

Er almechtig giettig

Gott warnet sein Christlichen Kirchen gar
offt in hailiger schrift/vor den letzten gefär
lichen zeyten / vnd zaigt ir fleyssiglich an/
wie vil falscher propheten auffstehen werdē/
so grausamlich irren vnd verfūren/ das der selbig irthumb
soll greulich/groß vñ langtwirig sein/ Mat. 24. Mar. 13
Danie. 8. vnd. 12. Act. 20. 1. Timo. 4. 2. Timo. 3. 2. Pet. 2.
1. Joan. 4. Math. 16.

Nun seind yetz die letzten zeyt / darinnen leib vnnd seel
in grausamer gefar standen/falsch leerer des Endtchrists
botten seind in der welt / man predigt widerwertig ding/
da ye der ain tayl muß vnwarhafft sein/ vñ was istes wun
der/das irthumb ist/dieweil die hirtten/wölff werden/vnd
das saltz der erden/selbs vngeschmack ist/vnd man die au
gen vom liecht abwendet/das Got in diß finster ort gesetzt
hat/das man nit irogang? 1. Jo. 2. 1. Cor. 10. Danie. 8. 12.
2. Pet. 1.

Wer nun nit will betrogen vnd verfūrt werdē/der muß
warlich fürsich sehen vnd sich hieten bey verliering seiner
seel seligkeit/wir seind ye gnüg gewarnet/wers verschlaft
schad sein. 2. Thessa. 2.

So ligts yetz alles daran / das man wisse welches die
selbigen falschen leerer seyen/damit man sich wisse vor inē
zu hieten. Zie soll man die augen baß auffsthan / dann biß
her beschehen ist/vnnd diser sach grund suchen/so kompt
man ir bald an ain end/vnd ersparet vil schreyens/schrei
bens/kempffens/vnd vergeblichs wartens auff ain Con
cilium.

Zie sprechen die Bāpstischen/ sy seyen die recht Christ
lich Kirch/sy habē den hailigen gayst/als die waren nach
kōmenden der Apostel/darumb solle man bey inen bleibē/
wer wöll selig werden. Den Luther vnd alle die so in zehen
jaren yetz das Enāgelii anderst/ dan der Bapst/predige

nennen sy keger/falsch Apostel/abtrillige von der Christ-
lichen kirchē/die man meyden soll/als wölff. Der Luther
vnnnd die yetz wider den Papsst leeren/sagen vnuerholen/
des Papssts hauff seyen die falschen Apostel/des Endt-
christis botten/jr leer sey falsch/vnd jr leben vnchristlich/
derhalb solle man sich vor jnen hietten/als vor den verfüh-
rern der letzten argen zeyt.

VI

Wa muß aber in diser zwitrechtigen leer/der arm ain-
feltig man hinauß? Er were ye gern ain Christ/vnd belibe
gern bey der hailigen Christlichen kirchen/auf das er selig
wurd/Er höit aber das sich ain yedertail der warhait vñ
kirchen berümbt/vnd wirdt ganz irz/waist nit welchem
tayl er sicherlich glauben mag/wie soll er jm aber thün/
das jm geholffen werd?

VII

Es ist ye war/das der trew Got sein kirchē nit verlaßt
wenn mans nun recht versteet/dann der hailig gayst der
Christlichen kirchen leermayster hat durch seine canzler
die prophetē/Apostel vnd Euangelisten die hailig schrift
der kirchen fürgeben/dadurch man glert wirt zur selig-
kait/darzu warnet vns der gaist Gottes trewlich vor den
verführern/vnd gibt vns klare verstentliche zaichen/dabey
man des Endtchristis wesen/leer vñ leerer leichtlich mag
erkennen/Daß wie man ainem schlahenden Ross pfligt
ain schellen auff den hindern zū hencken/damit sich yeder
man wisse darnor zū hietten. Also hat der hailig gayst/et-
liche gewisse deutliche zaichen geben/die in hailger schrift
den falschen leerern der letzten zeyt werden angehenckt/
dardurch man sy mag kennen/vnnnd demnach/als Wölff
fliehen.

Das erst: Des Endtchristis lerer vnderstanden
sich der menschen gewisne mit menschē sazungen zū bins-
den/Gott damit zū dienen/sünd büßen/gnad erwerben/
seligkait zū erlangen/Sy werden die selben sazungen vil
hefftiger auf die gewisne dringen/daß Gottes wort/vnd

forchtsame gwißne machen/ die wenen wa sy menschlich
sagung zum Gottedienst halten / so verdtenen sy vil vmb
Got/ wa sy aber die selbigen übertretten / so sünden sy wi-
der Got/ vnd solche sagungen machē sy irem Abgot dem
bauch zū güt/ vnd verführen der ainseltigen lewt hertz mit
schmaichlerey vnd liebkosen/ Also verhaissen sy sicherhait
da keine ist/ vnd machen forcht/ da sich nit zū fürchtē ist/
wie Jeremias sagt cap. 6. vnd. 8. Füllen die welt vol sünd
mit iren gebotten/ vnd falscher sicherhait/ Jhes. am. 13.
Vnd das ist das grausam laster das der Prophet Daniel
vnd Paulus der Apostel vō Endtchrist schreiben/ Danie.
am 7. sagt der Prophet vom Endtchrist / wie er sich ver-
misst/ die zeyt vnnnd gesetz zū verendern/ wie er wider den
aller höchsten rede / oder als Symachus vertolmetschet/
Er wirt reden als were er Gott/ das ist/ er wirt gebietten
vnd sein gebott eben so wol bey ainer todesünd wöllen ge-
halten haben/ als Gott sein gebott/ damit stympt Sant
Pauls 2. Thess. 2. Da er den Endtchristen ain menschen
der sünd nennt/ der sich erhebt über alles das Got haist/
also das er sich setzt in tempel Gottes / als ain Gott/ vnd
gibt für er sey Got/ Der tempel Gottes seind wir 1. Cor. 3.
Darinn will der Endtchrist sitzen vnnnd herschen / das in
die gwißne verbunden sey/ die doch allain Gott soll regie-
ren vnd führen. Dise obbenenten aygenschaften kan man
kainer Layen person zū schreyben / es muß gwißlich ain
gaystliche person sein/ die sich mit der seelen handel vnder-
steet vmbzūgeen / vnd die schrift zū handeln/ dann auch
Daniel spricht am. 8. ca. das sich der angficht König/ der
Endtchrist/ auff retterschen verstecken werde/ als wolte er
sagen/ Er wirt sich der kunst vnd schrift annemen/ Bes
sieh Coloss. am 2. Roma. 16. Rat frömer Christ/ welchem
die schellen sey anzuhengen.

Das ander Zeichen/ setzt Paulus. 1. Timo. 4.
vnd sagt / Das in den letzten zeytten werden verfärsche
A iij

gayster können vnd den Eelichen stand/ auch die speyß verbiotten/ in gleyßnerey/ vnnnd das ist auch des Endtchriſts tugend aine/ dann Daniel ſchreybt von jm am. 11. cap. Er werde ſich nit verſteen auf luſt der weiber/ darüber ſpricht Hieronymus der Papiften aygner leerer/ auff die vertolmetſchung Aquile/ das der Endtchriſt werde ain ſcheyn führen als ſey er keuſch/ damitt er vil lewt verführe/ Also ſpricht Paulus/ die verführer der letzten zeyt/ werden Ee weyber verbieten/ aber durch gleyßnerey lügen reden/ Hört zu/ ſy werdē ain lüg mit gleyßnerey verdecken/ alle ſagung wider Gottes wort/ ſeind nichts dann lügen vnd betriegerey. Nun haben ſy ain ſagung gemacht/ alle gayſtliche perſonen ſollen den Eeſtand meyden/ darzu liegen ſy vnd ſprechen/ man mög Got nit im Eeſtand als wol dienen/ als im gayſtlichen/ derhalb meyde man die ee weyber/ das das leben deſter hailiger ſey/ iſt das nit ain grober greyfflicher lüg/ in ainer lauttern gleyßnerey/ das man ſy deſter hailiger halte/ So müſte nach irer leer/ der eeſtand vnhal lig ſein/ vñ vnkeuſch/ ſo doch der hailig gayſt/ den eeſtand keuſch vnd eerlich nennt Hebre. 13. 1. Timot. 2. Die außred mit dem gelübdt der keuſchait/ iſt nichts/ Dann wer hatt jñe erlaubt/ das ſy ain hailig eerlich/ nüzlich/ loblich ding ſollen verſchweren vnd verloben/ als da iſt der hailig Eeſtand/ darinnen Patriarchen/ Propheten vnd Apoſtel gewefen ſeind on hindernuß des rechtē Gotsdienſts? Eben also verbieten ſy ſpeyß/ die doch Gott erlaubt mit danck ſagung zu eſſen/ vnd thūnds vmb groß verdienſts willen/ gleich als ſtünde groſſe hailigkeit in viſch eſſen vñ flaiſch meyden/ dabey wirdt des glaubens vnd Chriſtlicher freyhait vergeſſen/ wider S. Pauls trewe warnung Gal. 5.

Das dritt Zeichen/ dabey man die Endtchriſtlichen leerer in diſen letzten zeyten greyffen mag/ iſt das/ Sy werden/ ſpricht Paulus. 2. Timoth. 3. ain ſcheyn ains Gotseligen lebens haben/ aber iſt nichts darhinder/ dan

sy verletignen die krafft des selbigē lebens/da meldet Paulus zwey stück/nämlich/ ain scheyn/vnd macht/Was ist der scheyn ains gütten lebens? Es ist von aussen erbarlich bringen vnd ain hailigē wandel führen/das es als scheynt vnd gleyßt als sey es eytel frömmkeit vnd hailigkeit. Was ist die macht ains gütten lebens? Es ist der grund des gütten lebens / wann es wol vmb dein hertz steet im glauben gegen Gott/vnd in Christlicher lieb vnd trew gegen deinē nächsten/als wann man spricht/das ist ain grechter/schlechter/ frommer mensch/der kein schalck im hertzen hatt/Widerumb spricht man von ainem gleyßner / der mensch sicht ainem biderman so gleich / das es schad ist / das ernst ist/Er stellt sich wie ain fromm mensch/vnd ist aller böberey vol/er deckt den schalck. Ain Exempel/Wann ainer wer/der erbarlich in claydern gieng / im langen rock/For rock/rundbaret/bettet alltag die sibenzeyt/ gieng dreymal gen kirchen / enthielte sich etlich tag von flaisch essen/het kein Leweyb/oder thette sich von der welt in ain Closter legte ain grawe kuttē an / stellet sich in allweg / wie die willig armüt/ sihe/ das ist ain schein ains hailigen lebens/ es ist die schelff/ wa ist aber der grund/ die warhait / der kern? Herz setz ich das eben der selbig mensch vnder dem ob bemelten scheyn/ sey im hertz geizig/der nit könne erfüllt werden / Cleidig/das er niemant dan im selbs als gütsgonne / Er blabbert mit mund vil wort / vnd ist sein hertz weyt dauon/Er ist kein flaisch/aber güt visch/vn trinckt gütten weyn darzu / vnd verurteilt dieweyl sein nächsten zur hell / der ain stück flaysch zu seiner nordurfft yst mit dancksagung/Er ist vol vnlauterer begyrd zu weyben tag vnd nacht/vnd wa es jm als güt mag werden/verschont er weder Junckfrawen noch eerweyber / vnd ist also aintweders ain haimlicher oder offentlicher härer. Er sitzt vil leicht mit dem leib in ainer zell/aber mit seinen gedanken vnd begyrdē spaciert er durch alle wellt/vnnd ist jm niemants gnüg güt. Er ist hoffertig/vnd übernympt sich

seins stands/ als sey er hailiger dann der gmain man/ Er
 maint seine werck seyen so güt / das er damit hymel vnd
 erd verdiene/ vnd anndern lewten auch damit gen hymel
 helffe/ vnd wann man im sagt/ der glaub in Christum der
 durch die liebe dem nächsten dient/ sey ains menschen vol-
 kömehait/ Gelübdt seyen menschen gedicht/ ain dienst-
 knecht oder magt möge so wol im stand der volkömehait
 sein/ als ain Karteuser/ so sacht er an vnd neist dise leer ain
 Egererey / vnd verdampft leer vnd lerer weyt hinder die hell
 hinab/ Frömer Christ / da sichstu was vnder dem grossen
 scheyn verborgen ligt/ es ist ain scheyn vnd nichts darhin-
 der/ ain schelff on ain kernen/ ain lauter gleyßnerey on al-
 len grund. Nun rat welchem man yetz die schellen soll an-
 hengen/ Zeychs kain layen/ dann sy füren kain besondern
 gaystlichen scheyn von aussen / S. Pauls weysset vns auff
 die gaystlichen/ vnd spricht gleych hernach / Auß den sel-
 bigen seind/ die durch die heuser lauffen/ vñ füren die weib-
 le gefangen/ welche mit sünden überladen seind / das seind
 ye Beychtuäter/ nun vnderwindē sich die layen der beicht
 nit/ man waißt wol wer die oren beycht habē will bey ver-
 lierung der seligkait.

Das vierdt Welche Christo vnnserm Herren
 in sein ampt greiffen / vnd inen selbs zu aygnen/ die seind
 des Endtchristis botten / vnd verfürer diser letzten zeyt. 2.
 Petri. 2. Allain Christo gebürt/ für sünd gnügehū/ gnad
 erwerben/ frum vnd selig machen/ Jesa. 53. Math. 9. 11.
 1. Timo. 1. 2. 1. Pet. 1. 2. 3. 4. Jo. 1. 1. Jo. 1. 2. 3. 4. Ephe. 1. 5.
 Gal. 1. 2. 3. Ro. 3. 4. 5. 2. Timo. 1. Tit. 2. 1. Cor. 1. 15. Act. 13
 15. 20. 2. Cor. 5. Col. 1. 2. Das bezeugt sein trostlicher nam
 Jehoshua/ das wir sagen Jesus/ das ist seligmacher/ dan
 er selbs hilfft seinem volck von iren sünden Math. 1. Das
 bezeugen Propheten vnd Apostel liberal. Nun seind aber
 yetz lewt/ die sagen/ sy mögen mit iren aignē wercken/ sünd
 büßen/ gnad erwerbē/ frum vnd selig werdē/ vnd sy leig-

nen irer leer nit / darumb seind sy leichtlich zu erkennen/
Wer nun also leert/der raubt Christo sein ampt/denn der
hymelisch Vater hat seinen aingeborenen sun Jesum Chris-
tum zu ainem frummacher vnd seligmacher gesandt vnd
geben/ Wenn wir mit vnserm thun so vil vermöchten/das
vns Gott vmb des selben thons willen / die sünd verzeige/
gnad gebe vnd selig machte / warzu bedürfften wir dann
Christus des herren : so were er doch vmb sonst gestorben/
Gal. 2. Er ist aber gewißlich darumb gestorben/ das er für
vns sünd gnügthete/ den vatter versönte/ gnad vnd den
hailigen gayst erwarbe / das wir frum vnd kinder Gottes
worden/ Derhalb muß ain yeder Christ vest glauben/das
allain Jesus Christus der gnadē stül sey/ den Got für vns
ansihet/vñ durch sein verdienst sünd vergibt/ gnedig wirt
vnd selig macht/wer anderst glaubt/ist kein Christ/Was
hilffts nun das sy Christū mit dem namen bekennen/ vnd
nemend im darneben sein ampt vnd macht/Es ist nichts
anders/dann Christū verleugnen/darumb merck auff S.
Peters warnung/ der spricht. 2. Pet. 2. Es werden falsch
leerer vnder euch werden/die haimlich schedlich secten ein
führen/vnd auch den herren/der sy erkaufft hat/ verleügnē
Nun höre/wer oren hat zu hören/es ist ye deutlich geredt/
die selbigen verfärer/werden vndanckbar sein Christo vñ
sein erlösung/die werden sy verachten/das seind die werck
hailigen/ die mainen / sy wöllen sich selbs durch ire aygne
werck vnd orden von sünden loß machen/ büßen/ vñ Got
versönnen/des teuffels gwalt entrinnen/die thund nit an-
derst als sprechen sy / Wir bedürffen Christus nichts/ wir
können selbs sünd büßen vnnd gnad erwerben / dann der
mensch hat ain solchen freyen willen / sprechen sy/wan er
thut/so vil an im ist/so kan er sich also zur büß schickē auß
freyhait seins willens / das er die ersten gnad gebürlicher
weyß verdient/Über das wann ainer ain gweychter Prie-
ster ist/so vmag er in krafft seins ampts/ ob er schon selbs
ain böser babb ist/ das er an stat der kirchen mag/ Got sei

nen sun für vnser sünd auffopffern/vnd also vnser sünd ab
legen/gnad erwerben/vnd vns zu Gott bringē. Berümen
sy sich doch yetz öffentlicher/ dan noch nye/ wie sy täglich
für vnser sünd opffern in der Kirchen/auff dem Altar/vñ
vns Got wider versönnen durch jr Messopffer/das sich als
so jr aygner mund selbs verradt/wie sy Christo sein thetirs
opffer vnd gnadreyche erlöschung / nitt so vil gelten lassen/
als es warlich vor Gott gilt. Wer dise verleügnung Chris
sti nit versteet/der will doch müßwilligklich betrogen wer
den. Merck aber wie S. Peter die lewt weytter so dettlich
abmalet vnd spricht/ Sy handthieren an die lewt mit er
dichten Worten/ das ist so vil / sy erdichten seltsame wort/
damit sy gelt vnd güt von lewten herauß bringen/Laß se
hen was die selben wort seyen/ Jeggsetz/ verdienst des über
schuß/ Freywill/ Thon so vil in dir ist/ Junckfraw krönli/
Hyperdulia/ dulia/ opus operatum/ Caren/ quadragen/
Stand der volkōmenhait/ kenshaitglübt/ hailig orden/
vnd der gleychē/ das seind alles solche wort/die kein grūd
auß Götlicher schrifft haben / aber zum gelt gwin seind sy
fürbindig köstlich vnd dienstlich gewesen.

Das fünfft

Zeichen / dabey man des Endes
chrissts leerer mercken kan/ist angezaygt Act. 20. 2. Pet. 2.
Sy werden wider die ainigkait der Christlichen Kirchen/
Secten auffrichten/ Junger nach jnen füren/vnd vil wer
den irē verderben nachfolgen/Die hailig schrifft leert nun
ain orden/nämlich/ den Christlichen stand/darinne Chri
stus das haupt vñnd leerer ist/ darinnen ist ain gayst/ain
glaub/ain Gott/ain erlöser/mitler/fürsprech/ain Euana
gelium/ain regel/ain tauß/ain tisch des Testaments der
gnaden. In disem orden oder profess/wirt niemands ver
dampt/ausserhalb diser profess/ wirt niemant selig Mar
vtri. Ioan. 3. Das ist der ainig stand der volkōmenhait
Aber es seind vor etlich jaren/ leerer auffgestanden/die ha
ben mancherlay Sect/ oder orden auffgericht/ der may

nung / das sy sollen Stenbe sein der volckömenhait / weye
 besser vnd hailiger / dann der gmain Christlich stand / der
 halb seind sy hailig orden gehaissen / als ob die leut darinn
 hailig vnd selig werde / vnd haben sich nitt / wie der gmain
 hauff / Christen / sonder Benedicter / Augustiner / Domini
 caner / Franciscaner / Cathariner ic. genennt von den men
 schen / wider S. Paulus leer. 1. Corin. 1. Vnd vil leut haben
 sy in jr leer vnd wesen bracht. Etlich seind gar in orden ge
 schlossen / vnd der selben ain solche vnsegliche zal / das die
 Clöster vnd orden schier niemands erzelen kan / Etlich
 haben auff der selben Secten leer vnnnd leben ire hoffnung
 gesetzt / das sy ires verdiensts taylhafftig wurden / vnd hat
 die trew warnung Pauli. 2. Timoth. 3. nit geholffen / der
 so ernstlich gepet / Man soll jr müßig geen / wir wollen
 des zeytlichen schadens geschweygen / den die welt durch
 dise orden empfangen hatt / allain klagen wir / das sy sich
 gmaines Christlichs stands nit haben lassen benügen / son
 der sich vermessen / ainen nähern weg gen hymel zü geen /
 dann Christus vnd die Apostel geleert haben / Sy haben
 weyser wollen sein dan der hailig gayst / dann der glaub so
 durch liebe wirckt / ist disen leuten ain gar zü geringer weg
 gewesen zur frömdtkeit vnd seligkeit / sy habē ainen bessern
 vnd nähern erdacht / nämlich / ire orden vnd Secten / oder
 Regel / vnd Got vil baß wollen dienen / dan die erst Christ
 lich versammlung oder die Apostel / wider das gebort Gots
 tes Deute. 12. Dise schell hangt warlich nit an den layen /
 dann sy machen kein besondern orden / stand / oder Gots
 dienst / sy wandlen in der gmainē straß Christlichs stands
 jr Regel ist das hailig Euangelium der gnad Gottes.

Das sechst Zaichen meldet Petrus. 2. Pet. 2.
 vnd spricht / Das durch die falschen leerer der letzten zeyt /
 der weg der warhait verlestert werde. Welchs ist der weg
 der warhait? Antwort. Christus ist der weg zum vatter
 vnd die warhait Johan. 14. vnd das Euangelium vnsero

hayle/ist das wort der warhait/ Ephe. 1. Darumb ist ge-
wislich die gſund leer des Euangeliums/ der hailgen Pro-
pheten vnnnd Apostel / der recht weg der warhait / wann
man leert/ das der glaub/ so durch liebe wirckt/ allain den
menschen frum mache/ vnd nit vnſere werck/ Gůte werck
seyen die Gott gebeitt/ vnd auß dem glauben fließen/ das
geſetz möge niemands frum machen/ Es gehöre der hails-
lig gayſt darzu / Niemandts möge vñ des geſetz anſprach
vermaledeyung/ ſünd vnd tod erlöſen vnd helfen/ dann
allain Chriſtus der ainig verſöner/ mittler vnd recht pries-
ter der Chriſtlichen Kirchen/ die recht ware kirch Chriſti
ſeyen allain die auß erwölten Chriſtglaubigen/ die hailig
ſchriſt leere gnügsamlich zur ſeligkait/ Chriſtlich freyheit
vermöge das man die Chriſtglaubigen gewiſne mit men-
ſchen ſagung ſoll vnuerworē laſſen/ der recht Gotsdienſt
iſt/ Gott den vatter im gayſt vnd warhait anbetten/ das
eiſſerlich kirchē gebreng kan auch wol ain gleyſner thūn/
Speyß ſoll nit verboten werden in gleyſnerey/ den Gott
hat ſy erſchaffen zu niessen mit danckſagung den glau-
bigen/ vnd der gleichen auß hailger Bibliſcher ſchriſt. Sie
ſchreyen ſy/ das alles ſey Ketzerey/ verdampte irthum vñ
lügen/ die man ſoll mit feur/ wasser/ galgen/ rad/ ſchwert
vnd mit aller peen verfolgen vñ außtilcken/ vnd was hier
inn Chriſtus vnd ſeine Apostel geleert haben / muß denen
hailgen leuten/ nichts dan eyttel Ketzerey ſein/ vnd lügen/
wider die ſy gern allē gewalt der ganzen welt hetzen / wie
yetz vor augen iſt. Nun muß ain ainſeltig menſch ſein/ der
nit verſtande wer diſe leut ſeyen.

Wolan lieben gayſtlichen/ Wir ermanen vnd erſuchen
enck/ bey der herlichen zukunfft des groſſen Gottes vnſers
herren Jeſu Chriſti/ vnd bey dem erſchrockenlichen Jung-
ſten gericht/ darfür wir all müſſen / vnd vnſers lebens re-
chenſchafft geben/ Das jr auff obgeſetzte ſiben Artickel ai-
nen grundtlichen/ richtigen beſchaid vnd antwort/ on ver-

zag geben wöllet / Dann wa jr mit grund vnnnd warhait
 mögt beybringen / das obbemelte sechs Zaychen falscher
 leerer bey vns / vnd nitt bey euch / erfunden werden / so er-
 bieten wir vns zu öffentlichem widerriß / vnd wöllen als
 bald weychen vnd euch aller sach recht gebē / auf das doch
 ain mal die welt zu friden komme / dann ewers grymmen
 zorns vnd des jamerlichen zankens auff bayden taylen /
 ist vor lengst mee dann gnüg gewesen . Wa jr aber vnser
 ernstlichs erbieten / die treffenlichen sach vnserer seelen sel-
 ligkait betreffend / wurden verachten / so müßt doch die
 ganz welt greiffen / das euch der armen seelen hayl gar
 nichts zu Herzen geet / vnd jr dem nach in der warhait nit
 mögt vnd solt weyter für successores der hailigen Apostel
 gehalten werden / des jr euch doch / auß Ireneo trüglich
 berämen / Darzu werden jr nit allain allen menschen arck
 wenisch / als die bißher vntrewlich im hauß Gottes habē
 hauß gehalten / sonder auch den strengen zorns Gottes
 nach S. Peters weyssagung / blözling über euch erwecken /
 Es laßt sich schier ansehen als ob jr nun verrücht haben /
 vnd in eytelm freuel / on alle Gotsforcht / weder die haili-
 gen schrifft / noch der vralten leerer / wesen vnd leer erley-
 den wöllend / Gott gebe euch erleuchte augen ewers her-
 zens / zu erkennen das Euangelium der glori Christi der
 die bildnuß Gottes ist / Amen.

So merck nun du frum:

mer Christ in ainer Summa / wie
 die sach stehet.

- 1 In den letzten tagen werden gewißlich falsch leerer vñ
 grosse irthamb regieren / die warhait redts / es muß ge-
 schehen.
- 2 Vez seind die letzten zeyt / vnd falsch leerer / denn man
 hört zwispaltige leer.

- 3 Wer nun nit will verfürte werden / der hütte sich / wir seyen yegndig gewarnet.
- 4 Nun liges an dem / das man wisse / welche die selbigē verfürer seyen / so kan man sich vor in hütten.
- 5 Die Bāpstischen schreyen wir seyens / Wir sagen sy seyens / Wa nun hinauß?
- 6 Der hailig gayst merckē vnd zaichnet die Endtschriſtlichen verfürer mit sechs dettlichen zaichen / die yeder man bald kan mercken. Wiltu nun sicher sein / vnd wissen wer die falschen leerer seyen / so schaw allain auf die sechs mal zaichen / dann bey welchen du sy findest / der ist gwißlich ain falscher leerer / so waystu yetz / welchen du fliehen / vnd welchem du nachfolgen solt / vnd kanst nit betrogen werden.

Disz seind die sechs mal zaichen.

- 1 Die gwißne mit menschen sagung verstricken.
- 2 Leweyber vnd speyß in lauter gleyßnerey verbieten.
- 3 Ain scheyn ains gaystlichē lebens führen / vnd im grund flaischlich sein.
- 4 Sünd mit aygnen wercken wollen büßen / vnd Gottes gnad erwerben.
- 5 Secten auffrichten wider die ainigkeit der Christlichen kirchen / damit frum zu werden vnd selig.
- 6 Den weg der warhait / das ist / das lauter Euangelii lestern vnd ketzerey schelten.


Nun sehe yederman fürsich / vnnd habe acht auff die sechs Zaichen / so kan er sich hütten vor irthumb / laß dich nit irren den grossen hauffen / alte gwonhait vnd ansehen der person / sich auff Gottes wort / dan laß ims yederman gsagt sein / es wirt das gmain geschrey vñ klag vergeblich

sein/das man täglich schreyt/ Ey wir wissen nit welchem
wir glauben sollen/sy seind zwispeltig/ yeder berümbt sich
der warhait/ Frommer Christ/ laß dirs kein scherz sein/
der hailig gayst hatt yederman trewlich gnüg gewar-
net in obbemeltē sechs stucken/ Du bist ye schuldig bey ver-
lierung deiner seelen seligkeit/ dem hailigen gayst zu glau-
ben/vnd seiner warnung gwar nemen / vnd dich darnach
zürichten/ Die warnung ist ye klar/er hat die verführer mit
iren farben verstendelich abgemalet / vnd man sieht yez
aygentlich bey welchen solche zaichen seind/wen die
welt nit starblind were/darüb sey yederman ge-
warnet/es wirt kein entschuldigung helf-
fen/ wir wollen rayn sein von ewer al-
ler blät/ wir können ye nit mee
thun/den wir thund/ Got
tes gnad bewar vns
alle / Amen.

*

Vrbanns Regius 10.





ARI
x00

BR
303
R54
E76
1524
Howard FC

